

<<ԴԱՍԱԿԱՆ>> ԱՎԱՆԴԻ ՊԱՅՄԱՆԱԳԻՐ N _____

Ք. _____ <<__>> _____ 20__թ.

<<ՀԱՅԷԿՈՆՈՄԲԱՆԿ>> ԲԲԸ-ն, այսուհետ՝ Բանկ, մի կողմից, և

ֆիզիկական անձի անուն, ազգանուն, հայրանուն, անձը հաստատող փաստաթղթի տվյալներ, հաշվառման հասցեն այսուհետ՝ Ավանդատու, մյուս կողմից, այսուհետ միասին՝ Կողմեր, իսկ առանձին-առանձին նաև Կողմ, կնքեցին սույն ավանդի պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Պայմանագրով Ավանդատուն Բանկում ներդնում է ներքոհիշյալ գումարի չափով ավանդ, այսուհետ՝ Ավանդ,

Նշել ներդրվող ավանդի գումարի չափը (թվերով և տառերով) և արժույթը

- 1.2. Ավանդը ներդրվում է _____ (_____) օրով <<__>> _____ 20__թ. ին Ավանդատուին վերադարձվելու պայմանով:
- 1.3. Ավանդի դիմաց Բանկը վճարում է Ավանդատուին տոկոսներ Պայմանագրի 2-րդ մասով սահմանված չափով, կարգով և ժամկետներում:
- 1.4. Ավանդի մուտքը, ելքը, տոկոսների վճարումը հավաստվում է ՀՀ բանկային պրակտիկայում կիրառվող վճարահաշվարկային փաստաթղթերով, եթե այլ բան չի սահմանվել Պայմանագրով:
- 1.5. Պայմանագրով Ավանդատուն Բանկին հանձնարարում է Բանկում գործող իր թիվ _____ բանկային հաշվից, այսուհետ՝ Հաշիվ, ընդունել Ավանդի գումարն ամբողջությամբ:
- 1.6. Ավանդի վերադարձը, տոկոսների վճարումը Բանկը կատարում է Հաշվին, եթե Բանկը չի ստացել Ավանդատուից հանձնարարական գումարները փոխանցելու այլ հաշվի:

2. ԱՎԱՆԴԻ ՏՈՒՎՈՒՄԱԳՈՒՄԱՐԻ ՀԱՇՎԱՐԿՈՒՄ ԵՎ ՎՃԱՐՄԱՆ ԿԱՐԳԸ, ԱՎԱՆԴԻ ԱՅԼ ՊԱՅՄԱՆՆԵՐԸ

- 2.1. Ավանդի դիմաց հաշվարկվում են տոկոսներ՝ տարեկան _____ (_____) % տոկոսադրույքի չափով, փաստացի օրերի դիմաց տարին ընդունելով 365 օր, նահանջ տարին՝ 366 օր:
- 2.2. Ավանդի տարեկան տոկոսային եկամտաբերությունը կազմում է _____ (_____) %:
- 2.3. Ավանդի տոկոսները հաշվարկվում են Ավանդը Բանկում ընդունվելու օրվանից մինչև այն Ավանդատուին վերադարձնելու նախորդ օրը:
- 2.4. Ավանդի տոկոսները Ավանդատուի ցանկությամբ վճարվում են հետևյալ արժույթով և պարբերականությամբ՝

Ավանդի արժույթով/ ՀՀ դրամով

ամսական/եռամսյակային/ժամկետի վերջում

- 2.5. Ավանդը կամ դրա մասը մինչև Ավանդի վերադարձման ժամկետի լրանալը պահանջվելու դեպքում՝ համապատասխանաբար Ավանդի կամ պահանջվող մասի դիմաց Պայմանագրի 2.1 կետով սահմանված տոկոսների փոխարեն հաշվարկվում են տոկոսներ՝ տարեկան 0 % տոկոսադրույքի չափով, իսկ եթե արդեն Ավանդատուին վճարվել են Պայմանագրի 2.1 կետով սահմանված տոկոսները, ապա վճարված տոկոսագումարի չափով Ավանդը համարվում է վերադարձված:
- 2.6. Ավանդի տոկոսները Ավանդատուի կողմից չստանալու դեպքում՝ դրանց վրա տոկոսներ չեն հավելագրվում:
- 2.7. Ավանդի վերադարձման ժամկետը լրանալու օրը Ավանդը չպահանջվելու դեպքում (եթե Ավանդի վերադարձման այլ ժամկետ չի սահմանվել Կողմերի համաձայնությամբ՝

Ավանդատուն համաձայն է (եթե Ավանդատուն համաձայն է վանդակում նշում է ✓, եթե համաձայն չէ՝ Z), որ Ավանդի վերադարձման ժամկետը ինքնաբերաբար երկարաձգվի նախորդ ժամկետով (շարունակաբար, բայց ոչ ավել երեք անգամից) և Ավանդի դիմաց հաշվարկվեն տոկոսներ տվյալ ավանդատեսակի համար երկարաձգման օրվա դրությամբ Բանկի սահմանած տոկոսների չափով: Եթե տվյալ ավանդատեսակի գործողությունը Բանկի կողմից դադարեցվել է, ապա Ավանդի վերադարձման ժամկետը ինքնաբերաբար չի երկարաձգվում և մինչև Ավանդի փաստացի պահանջվելը Ավանդի դիմաց հաշվարկվում են տոկոսներ Բանկում գործող բանկային հաշիվներին առկա դրամական միջոցների համար Բանկի սահմանած տոկոսների չափով:

2.8. Ավանդատուն կարող է ավելացնել Ավանդին լրացուցիչ գումարներ (որոնց նկատմամբ հաշվարկվում են Պայմանագրի 2.1 կետով սահմանվող տոկոսները) հետևյալ դեպքերում՝

2.8.1. Ավանդը 274 օր և ավելի ժամկետում վերադարձնելու պայմանով ներդրվելու (այդ ժամկետով երկարաձգվելու) դեպքերում՝ միայն Ավանդի վերադարձման (երկարաձգված) ժամկետին նախորդող մինչև 180-րդ օրը և ոչ ավել ներդրման (երկարաձգման) պահին Ավանդի մնացորդ գումարի չափից:

2.8.2. Ավանդը 274 օրից պակաս ժամկետում վերադարձնելու պայմանով ներդրվելու դեպքում՝ Ավանդին գումարներ չեն կարող ավելացվել, իսկ նման պայմանով երկարաձգվելու դեպքում՝ գումարներ կարող են ավելացվել միայն երկարաձգման օրը և ոչ ավել Ավանդի մնացորդ գումարի չափից:

2.9. Բանկը չի կարող միակողմանի նվազեցնել Պայմանագրի 2.1 կետում նշված տոկոսները՝ Պայմանագրի 1.2 կետով սահմանված ժամկետին Ավանդը վերադարձվելու պայմանով:

2.10. Եթե Ավանդի վերադարձման ժամկետը լրանալուց Ավանդը չի պահանջվել և Ավանդի վերադարձման ժամկետը չի երկարաձգվել, ապա մինչև Ավանդի փաստացի պահանջվելը Ավանդի դիմաց հաշվարկվում են տոկոսներ Բանկում գործող բանկային հաշիվներին առկա դրամական միջոցների համար Բանկի սահմանած տոկոսների չափով:

2.11. Ավանդատու ֆիզիկական անձի (այդ թվում՝ անհատ ձեռնարկատեր) ներկայացուցիչ լիազորությունները հավաստվում են նոտարական (վերջինիս հավասարեցված անձանց) վավերացումով կամ Բանկում համապատասխան պաշտոնատար անձանց հաստատումով Ավանդատուի կողմից տրված լիազորագրով:

- 2.12. Ավանդատուն (նրա ներկայացուցիչը) նույնականացվում է անձը հաստատող փաստաթղթով Բանկ ներկայանալու և նույնացվելու միջոցով: Ավանդատուն համարվում է նույնականացված նաև ավտոմատ ինքնասպասարկման սարքերով, համացանցով, էլեկտրոնային միջավայրում կատարվող գործարքներով՝ Ավանդատուի նույնականացման տվյալը (PIN կոդ (ծածկագիր), քարտի CVV կոդ, նշանաբան, գաղտնաբան, նույնականացնող այլ միջոց) կիրառվելու դեպքերում:
- 2.13. Ավանդի պայմանները սահմանվում և կարգավորվում են Պայմանագրով, ինչպես նաև Բանկի վարչության կողմից հաստատված Ավանդի տեղեկատվական ամփոփագրով, որը հանդիսանում է Պայմանագրի անբաժանելի մասը: Տեղեկատվական ամփոփագիրը հրապարակվում է Բանկի ինտերնետային կայքէջում (www.aeb.am) և տրամադրվում է Ավանդատուի առաջին իսկ պահանջով անվճար: Տեղեկատվական ամփոփագրում Բանկն իրավունք ունի միակողմանի կատարել փոփոխություններ/լրացումներ, որոնք ուժի մեջ մտնելուց 7/յոթ/ աշխատանքային օր առաջ հրապարակվում են Բանկի կայքում և ուղարկվում են Ավանդատուի էլեկտրոնային փոստի հասցեին:
- 2.14. ՀՀ օրենսդրությամբ սահմանված դեպքերում և կարգով՝ դատական ակտերի, հարկադիր կատարման մարմինների, հարկային մարմինների որոշումների հիման վրա, ինչպես նաև Ավանդով ապահովված պարտավորությունների և/կամ Բանկի նկատմամբ Ավանդատուի պարտավորությունների չկատարման դեպքում՝ Ավանդը կարող է անակցեպտ կարգով բռնագանձվել, որից հետո 30 օրացույցային օրում Բանկը պարտավոր է դրա մասին տեղեկացնել Ավանդատուին՝ տրամադրելով Հաշվի քաղվածք վերջինիս հաղորդակցման եղանակով:
- 2.15. Ավանդատուին վճարվող տոկոսները հարկվում են ՀՀ օրենսդրությամբ սահմանված չափով:

3. ԱՎԱՆԴԱՏՈՒԻ ԻՐԱՎՈՒՆՔՆԵՐԸ

- 3.1. Ավանդատուն իրավունք ունի՝
- 3.1.1. Բանկից պահանջել վճարելու Ավանդի դիմաց տոկոսներ Պայմանագրով սահմանված կարգով, չափով և ժամկետներում:
- 3.1.2. Բանկից պահանջել ապահովելու Ավանդի գաղտնիությունը՝ ՀՀ օրենսդրությամբ սահմանված կարգով:
- 3.1.3. Բանկից ստանալ ՀՀ օրենսդրությամբ սահմանված կարգով, ժամկետում և պարբերականությամբ Ավանդատուին պարտադիր տրամադրման ենթակա տեղեկատվությունը, ներառյալ Ավանդի քաղվածքները, Ավանդատուի հաղորդակցման եղանակով:
- 3.1.4. Ավանդն ավելացնել Պայմանագրով սահմանված դեպքերում և կարգով:
- 3.1.5. Բանկից պահանջել վերադարձնելու Ավանդը դրա ժամկետը լրանալուց, ինչպես նաև մինչև Ավանդի ժամկետի լրանալը:

4. ԱՎԱՆԴԱՏՈՒԻ ՀԱՂՈՐԴԱԿՑՄԱՆ ԵՂԱՆԱԿԸ

- 4.1. Ավանդատուն հաստատում է, որ Բանկի կողմից Ավանդատուին տրամադրման ենթակա տեղեկատվությունը, ներառյալ՝ քաղվածքներ, ծանուցումներ, այլ տեղեկություններ և/կամ ՀՀ օրենսդրությամբ նախատեսված պարտադիր տրամադրման ենթակա տեղեկատվությունը Ավանդատուին տրամադրելու լեզուն և կապի միջոցն է (Ավանդատուն իրավունք ունի պահանջել պարտադիր տեղեկատվությունը տրամադրել Բանկի տարածքում առձեռն, կամ գրավոր ներկայացնել այլ կապի միջոց)՝
 հայերեն/անգլերեն _____ էլեկտրոնային փոստի հասցեն _____
- 4.2. Ավանդատուն հաստատում է, որ մինչև Պայմանագրի կնքումը Բանկից ստացել է Ավանդի տեղեկատվական ամփոփագիրը:
- 4.3. Ավանդատուն հաստատում է, որ ծանուցվել է Բանկում ներդրված ավանդների հատուցման երաշխավորման պայմանների և կարգի մասին:

5. ԲԱՆԿԻ ՊԱՏԱՄԻԱՆԱՏՎՈՒԹՅՈՒՆԸ

- 5.1. Բանկի կողմից Ավանդը վերադարձնելու կամ տոկոսները վճարելու պարտավորությունը չկատարելու կամ ուշացնելու դեպքում յուրաքանչյուր ուշացած օրվա համար Բանկը վճարում է տույժ՝ չվճարված /չվերադարձված/ գումարի 0.02 % չափով:
- 5.2. Բանկը երաշխավորում է Ավանդի վերադարձը իր ակտիվներով:

6. ԱՅԼ ՊԱՅՄԱՆՆԵՐ

- 6.1. Պայմանագիրն ուժի մեջ է մտնում Ավանդը Բանկում փաստացի ընդունվելու օրվանից և գործում է մինչև Ավանդը Ավանդատուին ամբողջությամբ վերադարձվելը:
- 6.2. Այն հարցերը, որոնք չեն կարգավորվում Պայմանագրով, կարգավորվում են ՀՀ օրենսդրությամբ: Կողմերի միջև ծագող վեճերը բանակցություններով չլուծվելու դեպքում՝ վեճերի քննությունը ենթակա է լուծման ՀՀ դատարանների միջոցով:
- 6.3. Ավանդատուն կարող է Պայմանագրից բխող բոլոր պահանջները ներկայացնել ՀՀ ֆինանսական համակարգի հաշտարարին՝ «Ֆինանսական համակարգի հաշտարարի մասին» ՀՀ օրենքով սահմանված կարգով, դեպքերում ու պայմաններով: Բանկը հրաժարվել է վիճարկել Ֆինանսական համակարգի հաշտարարի այն որոշումները, որոնցով գույքային պահանջի չափը չի գերազանցում 100,000 (մեկ հարյուր հազար) ՀՀ դրամը:
- 6.4. Կողմերի համաձայնությամբ Պայմանագիրը համարվում է Կողմերի միջև կնքված՝ Բանկի համապատասխան էլեկտրոնային սարքում Կողմերի ստորագրելով: Այդ ձևով կնքված Պայմանագիրն ուղարկվում է Ավանդատուի էլեկտրոնային փոստի հասցեին մեկ աշխատանքային օրվա ընթացքում և ձեռք է բերում Կողմերի ձեռագիր ստորագրությամբ կնքված թղթային պայմանագրին՝ համարժեք իրավաբանական ուժ: Ավանդատուի պահանջով Պայմանագիրը կնքվում է Կողմերի ձեռագիր ստորագրությամբ՝ փաստաթղթային ձևով, երկու օրինակից և յուրաքանչյուր կողմին տրվում է մեկ օրինակ:
- 6.5. Պայմանագիրը Բանկի կողմից ստորագրվում է երեք աշխատակցի կողմից և կնքվում է Բանկի կլոր կնիքով:

7. ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

ԲԱՆԿ <<ՀԱՅԷԿՈՆՈՄԲԱՆԿ>> ԲԲԸ Ներկայացուցչի ԱԱՀ _____ Լիազորագրի ամսաթիվ, համար _____ _____ ներկայացուցչի ստորագրություն _____ Անուն, ազգանուն, ստորագրություն _____ Անուն, ազգանուն, ստորագրություն	ԱՎԱՆԴԱՏՈՒ _____ ԱԱՀ _____ Հաշվառման հասցե _____ անձը հաստատող փաստ. տվյալներ _____ ստորագրություն
--	---